

Na osnovu člana 205. Zakona o osnovama sigurnosti saobraćaja na cestama u Bosni i Hercegovini ("Službeni glasnik BiH", br. 6/06, 75/06, 44/07, 84/09, 48/10, 18/13, 8/17, 89/17 i 9/18) i čl. 4. i 7. Pravilnika o homologaciji vozila, dijelova uređaja i opreme vozila ("Službeni glasnik BiH", broj 41/08), zamjenik ministra komunikacija i prometa Bosne i Hercegovine donosi

UPUTSTVO

O SPROVOĐENJU POSTUPKA HOMOLOGACIJE TIPA DIJELOVA, UREĐAJA I OPREME VOZILA

I. OPĆE ODREDBE

Član 1.

(Područje primjene)

- (1) Ovim uputstvom uređuje se sprovođenje postupka homologacije tipa dijelova, uređaja i opreme vozila, te oblik i sadržaj obrazaca koji se upotrebljavaju u sprovođenju postupka homologacije.
- (2) Homologacija tipa dijelova, uređaja i opreme vozila se sprovodi samo za nove dijelove koji se proizvode u inostranstvu i uvoze u Bosnu i Hercegovinu, a namijenjeni su za dalju prodaju, kao i za serijski proizvedene dijelove u Bosni i Hercegovini, u skladu sa Pravilnikom o homologaciji vozila, dijelova uređaja i opreme vozila ("Službeni glasnik BiH", broj 41/08), prije njihovog stavljanja na tržište Bosne i Hercegovine, a na osnovu Odluke o najnižim tehničkim zahtjevima za novoprodukcijom i korištena vozila pri homologaciji tipa vozila i homologaciji pojedinačnog vozila, te za dijelove, uređaje i opremu vozila pri homologaciji tipa ("Službeni glasnik BiH", broj 23/19) - u daljnjem tekstu: Odluka.
- (3) Homologacija tipa dijelova, uređaja i opreme vozila organizuje se i sprovodi u potpunosti elektronski, putem informacijskog sistema.

II. SPROVOĐENJE POSTUPKA HOMOLOGACIJE TIPA DIJELOVA, UREĐAJA I OPREME VOZILA

Član 2.

(Pregled dokumentacije i uzorka)

- (1) Pregledom dokumentacije iz člana 4. ovog uputstva utvrđuje se usklađenost podataka iz dokumentacije sa zahtjevima, postavljenim Odlukom.
- (2) Pregledom uzorka iz člana 8. ovog uputstva vrši se provjera homologacijskih oznaka na dijelovima, uređajima i opremi vozila i karakterističnih parametara, te usklađenost sa izdatim Certifikatom o usklađenosti dijela, uređaja i opreme vozila, nakon sprovedenog carinskog postupka.

Član 3.

(Pokretanje postupka)

- (1) Zahtjev za sprovođenje postupka homologacije tipa dijelova, uređaja i opreme vozila, podnosi dobavljač ili proizvođač (u daljnjem tekstu: podnosilac zahtjeva) Ministarstvu komunikacija i prometa Bosne i Hercegovine (u daljnjem tekstu: Ministarstvo), putem organizacije određene za obavljanje administrativnih poslova iz oblasti homologacije (u daljnjem tekstu: tijelo za homologaciju).
- (2) Zahtjev iz stava (1) ovog člana podnosi se putem informacijskog sistema na propisanom obrascu čiji je izgled i sadržaj dat u Prilogu 1. ovog uputstva.

Član 4.

(Dokumentacija)

- (1) Uz zahtjev iz člana 3. ovog uputstva podnosilac zahtjeva prilaže:

- a) dokaze o homologacijskoj podobnosti tipa dijela, uređaja i opreme vozila (homologacijska odobrenja, a po potrebi izvještaje ovlaštene laboratorije),
 - b) objašnjenje upotrijebljenih slovnih i brojčanih oznaka u strukturi oznake, po potrebi i
 - c) dokaz o plaćenju naknadi za sprovođenje postupka homologacije i administrativnoj taksi.
- (2) Tijelo za homologaciju može, po potrebi, tražiti dostavljanje dodatne dokumentacije proizvođača o tipu dijela, uređaja i opreme vozila kojom se dokazuje vjerodostojnost podataka navedenih u obrascu o tehničkim podacima i/ili druge dokumentacije.
 - (3) Ako je dokumentacija navedena u st. (1) i (2) ovog člana na stranom jeziku, tijelo za homologaciju može zahtijevati dostavu ovjerenog prijevoda na jednom od službenih jezika u Bosni i Hercegovini.

Član 5.

(Izdavanje Certifikata)

- (1) Ako su na osnovu dokumentacije zadovoljeni propisani uslovi, tijelo za homologaciju izdaje Certifikat o usklađenosti dijela, uređaja i opreme vozila, na obrascu čiji je izgled i sadržaj dat u Prilogu 2. ovog uputstva.
- (2) Sastavni dio Certifikata o usklađenosti dijela, uređaja i opreme vozila je prilog koji sadrži tipsko odobrenje dijela, uređaja i opreme vozila obuhvaćenih certifikatom.
- (3) Ako se pregledom dokumentacije utvrdi da tip dijela, uređaja i opreme vozila, ne zadovoljava propisane uslove, za iste se uskraćuje izdavanje Certifikata o usklađenosti dijela, uređaja i opreme vozila.

Član 6.

(Izdavanje privremenog Certifikata)

- (1) Podnosiocu zahtjeva tijelo za homologaciju izdati će privremeni Certifikat o usklađenosti dijela, uređaja i opreme vozila, na period od 30 dana od dana podnošenja zahtjeva.
- (2) U roku važenja privremenog Certifikata o usklađenosti dijela, uređaja i opreme vozila, podnosilac zahtjeva dužan je dostaviti odgovarajuću dokumentaciju, kojom dokazuje ispunjavanje propisanih uslova, nakon čega se izdaje Certifikat o usklađenosti dijela, uređaja i opreme vozila.
- (3) Ukoliko podnosilac zahtjeva u ostavljenom roku ne dostavi odgovarajuću dokumentaciju tijelo za homologaciju obavještava nadležno inspeksijsko tijelo sa zahtjevom za povlačenje dijela, uređaja i opreme vozila sa tržišta, na koje se privremeni Certifikat o usklađenosti dijela, uređaja i opreme vozila odnosi.
- (4) Izdavanje privremenog Certifikata o usklađenosti dijela, uređaja i opreme vozila, bit će omogućeno do 01.06.2020. godine.
- (5) Zahtjev za izdavanje privremenog Certifikata o usklađenosti dijela, uređaja i opreme vozila, može se podnijeti samo jednom za isti dio, uređaj i opremu vozila.

Član 7.

(Izjava o usklađenosti tipa dijela, uređaja i opreme vozila)

- (1) Na osnovu Certifikata o usklađenosti dijela, uređaja i opreme vozila, nosilac certifikata putem informacijskog sistema izdaje ovjerenu i potpisanu Izjavu o usklađenosti tipa dijela, uređaja i opreme vozila, na obrascu čiji je izgled i sadržaj dat u Prilogu 3. ovog uputstva.
- (2) Izjava o usklađenosti tipa dijela, uređaja i opreme vozila iz stava (1) ovog člana, potpisana i ovjerena od strane nosioca certifikata, izdaje se za svaki uvoz tipa dijela, uređaja i opreme vozila, i prilaže se uz carinsku prijavu.

Član 8.
(Pregled)

- (1) Tijelo za homologaciju nakon uvoza (puštanja u slobodan promet) po metodu slučajnog uzorka, sprovodi pregled uzorka dijela, uređaja i opreme vozila, za koji je izdat Certifikat o usklađenosti dijela, uređaja i opreme vozila, te izrađuje Izvještaj o pregledu uzorka, na obrascu čiji je izgled i sadržaj dat u Prilogu 4. ovog uputstva.
- (2) Uzorkovanje mora obuhvatiti najmanje 10% izdatih Certifikata o usklađenosti dijela, uređaja i opreme vozila, na način da informacijski sistem metodom slučajnog odabira određuje broj i vrstu uzoraka.
- (3) Dobavljač ili proizvođač dužan je omogućiti neometano sprovođenje pregleda uzorka.
- (4) Ukoliko se pri pregledu uzorka utvrdi neusklađenost sa izdatim Certifikatom o usklađenosti dijela, uređaja i opreme vozila, izvještaj iz stava (1) ovog člana se dostavlja nadležnom inspeksijskom tijelu sa zahtjevom za povlačenje dijela, uređaja i opreme vozila sa tržišta, na koje se certifikat odnosi.

- (5) U slučaju iz stava (4) ovog člana, tijelo za homologaciju provjerava uzorak svih dijelova, uređaja i opreme za koje je izdat certifikat.

Član 9.
(Certifikat)

- (1) Certifikat o usklađenosti dijela, uređaja i opreme vozila sa priložima nije prenosiv.
- (2) Nosilac Certifikata o usklađenosti dijela, uređaja i opreme vozila isti može koristiti višekratno, izdavanjem Izjave o usklađenosti tipa dijela, uređaja i opreme vozila, sve dok se ne promijene uslovi pod kojima je certifikat odobren.

III. PRIJELAZNE I ZAVRŠNE ODREDBE

Član 10.

(Stupanje na snagu)

Ovo uputstvo stupa na snagu prvog dana od dana objavljivanja u "Službenom glasniku BiH", a primjenjivaće se prema Odluci.

Broj 02-05-02-2-2110/19
14. augusta 2019. godine
Sarajevo

Zamjenik ministra
Saša Dalipagić, s. r.

Podnosilac zahtjeva:
..... (naziv)
..... (adresa)
..... (mjesto)

Prilog 1.

Bosna i Hercegovina
 Ministarstvo komunikacija i prometa
 Trg Bosne i Hercegovine 1
 71000 Sarajevo

ZAHTJEV
ZA HOMOLOGACIJU TIPA DIJELA, UREĐAJA I OPREME VOZILA
BROJ

- 0.0. Naziv dijela, uređaja i opreme vozila:
- 0.1. Marka (komercijalni naziv proizvođača):
- 0.2. Tip:
- 0.2.1. Komercijalni naziv tipa dijela, uređaja i opreme vozila (ako je naveden):
- 0.3. Oznaka za identifikaciju tipa dijela, uređaja i opreme vozila (ako je navedena):
- 0.3.1. Položaj ove oznake:
- 0.4. Homologacijska oznaka:
- 0.4.1. Položaj ove oznake:
- 0.5. Naziv i adresa proizvođača:
- 0.6. Namjena:
- 0.7. Osoba za kontakt uvoznika:
- (ime i prezime, funkcija)
- Adresa:
- Telefon/faks:
- E-mail:
- 0.8. Posebne napomene
- Prilozi:
-
-
-

..... godine M.P.

(mjesto) (datum)

Potpis:

Prilog 2.

(prostor za logo organizacije za obavljanje administrativnih poslova)

Na osnovu člana 205. Zakona o osnovama sigurnosti saobraćaja na cestama u BiH („Službeni glasnik BiH“, br. 6/06, 75/06, 44/07, 84/09, 48/10, 18/13, 8/17, 89/17 i 9/18) i Pravilnika o homologaciji vozila, dijelova uređaja i opreme vozila („Službeni glasnik BiH“, broj 41/08) Ministarstvo komunikacija i prometa Bosne i Hercegovine, putem tijela za homologaciju, na zahtjev

.....
(podnosilac zahtjeva)

.....
(adresa)

.....
(mjesto)

Izdaje

**CERTIFIKAT O USKLAĐENOSTI DIJELA, UREĐAJA
 I OPREME VOZILA
 BROJ**

PODACI O DIJELU:

0.0. Naziv dijela, uređaja i opreme vozila:

O svim promjenama na dijelovima, uređajima i opremi vozila kao i dokumentaciji, u odnosu na stanje na dan izdavanja certifikata, posjednik certifikata je dužan obavijestiti Ministarstvo komunikacija i prometa Bosne i Hercegovine putem tijela za homologaciju.

Sastavni dio ovog certifikata je Tipsko odobrenje dijela, uređaja i opreme vozila obuhvaćenih certifikatom.

Pravo na korištenje ovog certifikata ima isključivo podnosilac zahtjeva kojem je izdat i to pravo nije prenosivo.

Ovaj certifikat važi do promjene homologacijskih propisa u Bosni i Hercegovini za dijelove, uređaje i opremu vozila.

Ovlašteno lice:

..... godine
(mjesto) *(datum)*

.....

Prilog 2.

TIPSKO ODOBRENJE
BROJ: Broj certifikata-broj tipskog odobrenja

- 0.0. Naziv dijela, uređaja i opreme vozila:
- 0.1. Marka (komercijalni naziv proizvođača):
- 0.2. Tip:
- 0.2.1. Komercijalni naziv tipa dijela, uređaja i opreme vozila (ako je naveden):
- 0.3. Oznaka za identifikaciju tipa dijela, uređaja i opreme vozila (ako je navedena):
- 0.3.1. Položaj ove oznake:
- 0.4. Homologacijska oznaka:
- 0.4.1. Položaj ove oznake:
- 0.5. Naziv i adresa proizvođača:
- 0.6. Posebne napomene:

Podnosilac zahtjeva je dostavio dokaze da su za ovaj tip dijela, uređaja i opreme vozila ispunjeni tehnički zahtjevi postavljeni Odlukom o najnižim tehničkim zahtjevima za novoproduzvedena i korištena vozila pri homologaciji tipa vozila i homologaciji pojedinačnog vozila, te za dijelove, uređaje i opremu vozila pri homologaciji tipa („Službeni glasnik BiH“, broj 23/19), na dan izdavanja certifikata.

Pravo na korištenje ovog tipskog odobrenja ima isključivo nosioc Certifikata o usklađenosti dijela, uređaja i opreme vozila i to pravo nije prenosivo.

Ovlašteno lice:

M.P

..... godine
(mjesto) (datum)

Prilog 3.

Na osnovu Certifikata o usklađenosti dijela, uređaja i opreme vozila broj (*broj certifikata*) od (*datum izdavanja certifikata*) putem informacijskog sistema nosilac certifikata (*podnosilac zahtjeva, adresa i mjesto iz zahtjeva za izdavanje certifikata*) izdaje:

**IZJAVA O USKLAĐENOSTI TIPA DIJELA, UREĐAJA I OPREME
VOZILA**
BROJ: Broj certifikata- broj izjave o usklađenosti

0.0. Naziv dijela, uređaja i opreme vozila:

Podnosilac zahtjeva je dostavio dokaze da su za ovaj dio, uređaj i opremu vozila ispunjeni tehnički zahtjevi postavljeni Odlukom o najnižim tehničkim zahtjevima za novoprodukcijena i korištena vozila pri homologaciji tipa vozila i homologaciji pojedinačnog vozila, te za dijelove, uređaje i opremu vozila pri homologaciji tipa („Službeni glasnik BiH“, broj 23/19), na dan izdavanja Certifikata o usklađenosti dijela, uređaja i opreme vozila broj (*broj certifikata*) od (*datum izdavanja certifikata*).

Pravo na korišćenje Izjave o usklađenosti tipa dijela, uređaja i opreme vozila ima isključivo nosilac Certifikata o usklađenosti dijela, uređaja i opreme vozila i to pravo nije prenosivo.

Ovlašteno lice:

M.P

..... godine
(mjesto) (datum)

Prilog 4.

.....

 (naziv i adresa ispitnog tijela)

Na osnovu Pravilnika o homologaciji vozila, dijelova uređaja i opreme vozila („Službeni glasnik BiH“, broj 41/08), a po ovlaštenju Ministarstva komunikacija i prometa Bosne i Hercegovine, tijelo za homologaciju, nakon pregleda uzorka dijela, uređaja i opreme vozila, za koji je izdat Certifikat o usklađenosti dijela, uređaja i opreme vozila broj (broj certifikata) od (datum izdavanja certifikata) izdaje

**IZVJEŠTAJ
 O PREGLEDU UZORKA
 BROJ**

- 0.0. Naziv dijela, uređaja i opreme vozila:
- 0.1. Marka (komercijalni naziv proizvođača):
- 0.2. Tip:
- 0.3. Komercijalni naziv tipa dijela, uređaja i opreme vozila (ako je naveden):
- 0.4. Oznaka za identifikaciju tipa dijela, uređaja i opreme vozila (ako je navedena):
- 0.4.1. Položaj ove oznake:
- 0.5. Homologacijska oznaka:
- 0.5.1. Položaj ove oznake:
- 0.6. Naziv i adresa proizvođača:
- 0.7. Adresa na kojoj je izvršena kontrola:
- 0.8. Ime i prezime predstavnika uvoznika koji prisustvuje pregledu:

Na osnovu pregleda uzorka dijela, uređaja i opreme vozila, koji su serijski proizvedeni/uvezeni* i namijenjeni za dalju prodaju u Bosni i Hercegovini konstatuje se da je ovaj uzorak dijela, uređaja i opreme vozila usklađen/neusklađen* sa zahtjevima postavljenim Odlukom o najnižim tehničkim zahtjevima za novoprodukcija i korištena vozila pri homologaciji tipa vozila i homologaciji pojedinačnog vozila, te za dijelove, uređaje i opremu vozila pri homologaciji tipa („Službeni glasnik BiH“, broj 23/19).

Napomena:

.....

Potpis ovlaštenog predstavnika

M.P.

Potpis ovlaštenog lica

.....

.....

....., godine
 (mjesto) (datum)

* Nepotrebno precrtati